

Segun Chris Dammers di Aviacion Civil:

Categoria di nos aeropuerto ta na peliger

ORANJESTAD (AAN)—

Durante un entrevista cu Sr. Chris Dammers di Departamento di Aviacion Civil, DIARIO e punte riba un reaccion cu a sali for di SINBA (Sindicato di Cuerpo di Bombero). Relaciona cu mesun situacion DIARIO tambe a combersa cu Sr. Haime Donata pa asina sa ki responsable ta e decision cu e minister a tuma en cuanto e bahamento di personal na aeropuerto.

Sr. Dammers a laga sa cu nan tambe a reuni cu hendenan di Brandweer. A bisa cu nan ta basa nan punto di bista den un rapport cu dos of tres aña pasa a worde traha tanto di aeropuerto en general incluyendo Brandweer, y mirando e tipo di avionnan, e frecuencia y e diferente horario di vuelo cu tin cu atende, ademas di siendo un aeropuerto alternativo pa diferente aerolinea cu ta over flight Aruba.

A bin saca afo cu pa por maneha Cuerpo di Bombero cumpliendo cu tur e reglanan mester di por lo menos 10 hende cu ta semper na warda. Chris Dammers a señala cu e



tempo ey, Brandweer di aeropuerto tabata operando cu 7 hende, cantidad cu a worde hisa pa 9. Esaki kiermen cu bahando e

cantidad di personal pa 7, siendo cu mester ta 10, esaki lo trece e categoria di nos aeropuerto, cu na e momento ta categoria 9, den peliger.

Lucha contra droga

Visibility Team Oranjestad a tene accion

Sospechoso "Calco" a keda deteni

ORANJESTAD (AAN): Durante fin di siman, Visibility Team encarga cu Oranjestad a tene un accion. Manera ta conoci cu muy en particular den oranan di anochi, tin hende ta circula cu nan unico meta, pa ofrece droga na venta, tanto na hende local y turista.

Pero e biaha aki nan a haya golpi. Esey ta debi cu oficialnan balente di Visibility Team a tene un accion.

E accion tabata exitoso, como cu a confisca cierto

cantidad di Marihuana, Base Cocaína, y detencion tambe a cay.


Noticia ricibi, ta musira cu un tal "Calco" a keda deteni durante di e accion. Tambe tabatin sospecho, como cu na momento cu miembronan di e team kier a pone man riba dje el a core, pero el a laga su productonan atras cual a keda confisca pa autoridad.

E accion tabata den vecindario di e ruta Weststraat, Boulevard altura di e clubnan nocturno.

NOW OR NEVER!!


BEST DEAL
Tel: 5827100

(Pariba di Aruba Bank, Paradera)

BEST SHOPPING DEAL
Turibana Plaza
Tel: 5865455

Toaster
Afl. 19,95
TELEFONNAN
DI DIARIO
582-6747
FAX
582-8551